

佛祖統紀

五十四卷  
五

門外  
成  
三緣系  
系出  
添藏本

風陵文庫  
文庫19  
F 229  
21



歷代會要志第三因緣集佛祖統紀卷五十四

山門禪定  
蘭若藏本

○天宋咸淳四明福泉沙門人志磐撰

○北天佛牙國鄧山舍利鳳翔佛骨

陳留佛指內瑞像應世兩大聖賢出化

立壇受戒六中設像置經四為建寺造塔

西天求法東土譯經經目僧數

天台傳教禪苑傳燈律宗垂範

神尼異行名山勝迹聖教感通

持誦功深西遊樂國

北天佛牙

唐高宗宣律師在西明寺行道北天王太子以佛牙



上於師○代宗勅問文綱律師親傳先師宣律師釋迦佛牙宣詣右門進上副朕瞻禮

宋太宗建啓聖禪寺奉優填王瑞像釋迦佛牙○太祖親緘銀塔中初太祖疑佛牙非真取自浴以火燬之色不變遂製發願文○太宗復驗以火親製得讚真宗迎供瞻拜神光洞發遂製讚○仁宗以三朝敬事迎置禁中於次中得一舍利因爲製讚慶歷三年久旱迎佛牙入內殿祈禱須臾雨大注復製發願文○英宗勅大相國寺造三朝御製佛牙讚碑學士王珪撰文○徽宗勅迎三朝御讚佛牙入內供養隔水晶匣舍利出如雨因爲製讚

鄧山舍利

周厲王佛滅後百年中天竺阿育王取釋迦舍利作八萬四千寶塔勅鬼神於閻浮提城邑滿一億家爲立一塔

漢明帝問摩騰曰白馬寺東有光怪民呼聖冢騰曰昔阿育王藏舍利八萬四千塔震且之境有十九處此其一也帝俱往禮拜詔造塔其上九層二百尺晉武帝劉薩訶入地獄見觀音大士謂曰可往洛陽聖冢舍利臨淄建鄴于塔鄧陰今有王舍利成都五處有阿育王塔頂禮悔罪旣繇出家名慧達至鄧縣烏石山聞鐘聲斷土求之得舍利寶塔飛至一山乃即其地



建刹奉塔

今阿育王山舍利殿即其處也

○安帝勅鄧山造塔亭欄

室度二七僧住持守護

宋文帝遣僧道祐廣興創建鑿基得大石函頗裂鐘金合銀嬰安三法身舍利

梁武帝勅造木浮圖堂殿房廊賜額阿育王寺○岳陽王蕭詵修木浮圖爲五層鑄金銅像五百軀

陳宣帝遙敬寶塔度二七僧

唐中宗敬仰寶塔勅送供施委沙門棲曠如法香火

○國清智晞至寺禮八萬四千拜忽感紫文印右臂終身不沒○肅宗內供奉子璘母亡在神令往鄧山禮塔可免母罪璘至寺禮至四萬拜母現身塔前曰

吾承汝力已生初刹○宣宗四明道俗八千人於育

王寺供舍利塔夫華紛墜放五色光○懿宗觀察使

楊嚴奏舍利寶塔靈異敕度三十七僧嚴奉香火

梁末帝吳越王錢鏐遣弟鐸往迎育王山舍利塔夜

放光明浙江如晝

周世宗敕翰林承旨陶穀入寺禮敬見舍利紅色

宋太宗吳越王入朝僧統贊寧奉釋迦舍利塔入見

滋福殿○高宗親洒宸翰賜佛頂光明之塔○孝宗

遣內侍李裕文至育王山迎佛舍利塔詣行在所奉

安觀堂焚香瞻禮見塔上有月輪相及水晶珠皇太

子請至東宮瞻禮見相輪纍纍然如水晶珠上書妙



勝之殿以安塔所○皇子魏王來鎮四明往寺瞻禮  
寶塔見豪光青赤交眩因造金塔奉安舍利塔於中  
作贊四章刻于塔四旁○寺東一里有聖井靈鰻欲  
出則有二紅蟹若前驅者錢武肅王迎塔至錢唐夢  
一菩薩首戴結縵華冠兩掖挾蟹云是育王聖井靈  
鰻來護塔耳已上並見寧僧統所  
作舍利塔傳靈鰻傳  
鳳翔佛骨

唐高宗詔迎岐州法門寺護國真身塔釋迦佛指骨  
至洛陽大內供養皇后以金函九重命宜律師送還  
岐山○肅宗詔迎法門寺佛骨至禁中禮敬傳至諸  
寺瞻禮○德宗詔迎法門寺佛骨入禁中禮敬歷送

京城十寺世傳三十年當一開則歲豐人安韓愈上  
表陳貶潮州○文宗岐山法門寺佛骨塔慶雲見○  
懿宗詔迎佛骨三百里間車馬不絕公私音樂儀衛  
之盛過於南郊上降樓迎拜

陳留佛指

宋仁宗勅迎陳留佛指入內試以烈火擊以金錘了  
無所損俄而舍利流出乃製發願文送還本寺初是  
有梵僧來陳留闡教寺施天竺佛指瑞光屢發○微  
宗方上盛言陳留佛指乃海狗骨詔取驗之火焚鐵  
捶十餘日色不變乃加禮送還  
瑞像應世



晉愍帝吳朱膺於松江得二石像銘曰維衛佛迦葉  
佛迎至通玄後漁者得二石鉢見佛像在鉢際遂送  
寺中○明帝海上網得文殊金像陶侃迎至江州溺  
水中後遠法師起東林神運閣至江禱之得其像○  
成帝高惺望江浦五色光得金像置長干寺後網得  
銅華趺梵書云阿育王第四女造○孝武沙門曇翼  
見江陵城北五色光得一銅像題云阿育王造  
宋高祖司徒王謐見東掖門地有光得金佛高七尺  
二寸○文帝都入孫彥曾妾王惠稱見江浦有光得  
金佛一軀○孝武廬陵太守周湛進金像高九尺三  
寸言僧法均至三曲江見光浮水面因獲此像

梁武帝夢釋迦檀像入國乃遣郝騫等西行求像至  
舍衛國天監十年負像東還帝率百僚迎入太極殿  
○西天沙門自圖形于吳中靈巖寺像夜起行道梵  
僧云是智積菩薩

唐宣宗會昌毀寺一僧負東林文殊像藏錦繡谷峯  
頂寺復訪像不獲忽圓光涌於空表自是峯頂天池  
常見聖燈百千文殊出沒

宋太宗陸澤人王緒見白兔逐之入穴見石佛五十  
身勅就邑寺奉之○通利軍建城掘地得大石佛十  
詔建淳化寺奉其像○真宗詔送金欄袈裟往羅浮  
中閣寺奉釋迦瑞像此像來自西天○神宗詔迎衡



州玉塔入京師阿育王所造第九塔也○哲宗袁州  
仰山舍利石塔自然出現○袁州木平山舍利石塔  
出現夏旱太守王古禱于木平塔白衣大士出現復  
往仰山塔泗州大士維摩居士出現○袁州東山羅  
漢像出現○徽宗金州奏獲石羅漢大放光明  
聖賢出化

室利房秦始皇時自西域齋佛經來化帝以其俗囚  
之云○摩騰竺法蘭漢明帝時以白馬馱經自天竺  
來後人有經來白馬寺之句○宋真宗瞻摩騰真身製讚○康僧  
會魏齊王時自西域至吳後人有僧到赤馬寺之句○唐高宗時  
云○祇域晉武帝自西域至洛陽○佛圖澄晉懷帝

時自西竺至洛陽石勒奉之○單道開晉穆帝時○  
杯渡宋文帝時○誌公觀音化身始宋明帝十一年  
終梁武天監十三年○達磨觀音化身梁武大通元  
年自南天竺來○北魏文帝大統元年自梁入魏○  
傅大士彌勒化身出婺州烏傷縣梁武帝中大通六  
年云大同元年云○陳文帝天嘉二年云○宣帝大  
建年云○陸法和梁武太清云○北齊天保云○稠  
禪師北齊天保云○法喜隋煬帝云○豐干彌陀化  
現寒山文殊化現拾得普賢化現唐太宗正觀七年  
云○杜順文殊化現唐正觀年云○寶掌高宗顯慶  
○萬回觀音化身高宗咸亨○中宗神龍○睿宗



雲○泗州觀音化身中宗神龍○代宗大歷○僖宗四年○宋太宗僧伽塔放光○真宗謚普照明覺大師○徽宗京師大水僧伽立空中旁侍慧岸木又一白衣跪于前旣而水退○一行玄宗開元三年九年○方山李長者玄宗開元七年○宋哲宗張商英至方山昭化院得華嚴決疑論○無畏玄宗開元四年○宋真宗瞻無畏塔製讚○金剛智玄宗開元七年○不空玄宗開元八年○韋老師玄宗開元八年○馬即婦憲宗元和普賢化身○隨洪大聖文宗太和○宋仁宗祈雨加封○草衣德宗建中○懶殘德宗貞元○傳大士宣宗曾志願開塔○晉少帝吳越王

問塔○湘山無量壽懿宗八年湘山全真禪師阿彌陀佛化身○龜洋二真身僖宗三年泉州無了禪師及弟子慧忠二塔○鰲子昭宗天復○岳林布袋○勒化現五代梁○道賢五代唐○扣冰古佛五代唐○麻衣周太祖廣順○宋太祖建隆○婁道者宋太宗淳化詣寶華佛化身○真宗召見○四世界要道者云是日光菩薩化身言法華宋太宗○仁宗默祝請齋○峨眉茂真真宗召見○南安巖主真宗時定光佛化身○龜山智悟真宗時祈雨斷臂云是五百羅漢中一○戒香瘞女仁宗時四明戒香維衛古佛○李士寧仁宗時於洛陽詣衛開曰戒香瘞女是維



衛佛○蔡君謨病目夢龍樹○潘盛神宗時言法華云是日光佛○趙棠神宗時從潘盛遊○佛陀波利哲宗時潁州太守蘓軾乞賜塔院額曰光梵立壇受戒

漢明帝司空劉峻等並求出家

此時但受三歸

魏齊王西天曇摩迦羅至洛陽譯僧祇律立大僧羯

磨受戒○高貴鄉公曇摩迦羅乞行受戒法沙門朱

士行為受戒之始

此受具足戒始

晉康帝尼淨檢於本法得戒

此但從比丘一眾受戒

宋文帝僧伽跋摩至建康為沙門慧照等於船中飛受具戒

此開重受戒

○求那跋摩於南林寺立戒壇為僧

尼受戒尼慧果等於戒壇依二眾重受具戒

十僧十尼為二眾

寧僧統僧史略云漢度阿潘受三歸也晉度淨檢從一眾也二眾得戒慧果始也

梁武帝從約法師受具足戒太子公卿道俗從師受戒者四萬八千人

此應受菩薩戒

沙門耆艾亦重受戒法

此受具足戒

唐高宗宣律師於淨業寺建石戒壇為岳瀆沙門并

受具受撰壇經○代宗勅大興善寺建方等戒壇○穆宗中書令王智興於泗州建方等戒壇請遇聖誕度僧○敬宗勅兩街建方等戒壇左街安國寺右街



興福寺○宜宗以會昌沙汰勅上都判楊汴益立等戒壇爲僧尼再度者重受戒法○懿宗勅兩街四寺各建戒壇度僧

大宋太祖以僧尼無間勅尼寺置壇受戒尼大德主之○真宗昇州崇勝寺賜名甘露戒壇○詔京師立奉先甘露戒壇天下諸路皆立戒壇凡七十二所京師別立大乘戒壇

設像置經

周穆王子於沁水石窟造迦葉佛像

秦繆公造佛銅像

漢桓帝鑄黃金浮圖老子像

晉武帝侍中荀勗於洛陽造金像十二○孝武安法師於檀溪寺造銅像能自起行放光燭天○處士戴逵自造無量壽佛像置靈寶寺郊祀壇香作禮勃然煙上○安帝江夷託戴顓造觀音夜夢人令改彌勒觸手成妙○恭帝詔尼官寺鑄丈六金像放光滿寺宋文帝徐州造丈六金佛有冠難則像身流汗○孝武路太后於中興寺造普賢像

梁武帝幸同泰寺鑄十方佛金銅像

北魏獻文勅爲太祖下五帝鑄丈六釋迦佛五軀○孝明爲太后胡氏建永寧寺丈六金像浮圖九層高九十丈詔諸郡立五級浮圖○孝莊孟仲暉造交好



佛每夜造座行道○孝武於平等寺建浮圖設萬佛齋石佛俯首終日

唐高祖爲太祖下造等身佛三身○太宗夢虞世南勅造佛像一軀以資冥福○高宗勅洛陽龍門山鑿石龕盧舍那佛高八十五尺沙門智運於龍門山鑿石佛一萬五千身○武后欽天下僧尼日一錢作大像于白司馬坂○玄宗勅諸郡開元寺鑄皇帝等身金銅佛像○沙門海通於嘉州大江鑿石爲彌勒佛高三百六十尺覆閣九層

晉天福天竺沙門道翊獲奇木造觀音像持古佛舍利置豪相中白光煥發○宣徽將朱崇掘地得大石

佛舍家爲寺○開運初敕爲高祖寫大藏經奉安明聖寺

漢高祖上柱國郭令威立石碑金剛經于壽春

宋太祖敕益州雕大藏經板○勅往峨眉山敕飾佛

像○真宗封泰山詔修衆像三十二身御製修像記

○勅沙門栖演修龍門山石龕佛一萬七千身○拉

宗敕往東林妝神運五殿佛像○蘇軾繪水陸像作

贊十六篇○蘇軾得張氏畫十八羅漢爲贊以授第

轍○高宗給事中馮檄造大藏經四十八所

建寺造塔

周穆王子於鼓山建竹林寺



漢明帝始造白馬寺，雒陽京城內外十寺，白馬寺東造佛舍利塔。

魏吳王孫權武昌造昌樂寺，潘夫人造慧寶寺，尚書令闕澤舍宅爲德潤寺。

晉惠帝會稽諸葛氏造靈寶寺。○成帝尚書令李邕以句容宅靈耀寺，王羲之廬山寺，爲歸宗寺。○許詢建塔四層，之相輪一朝風雨，輪盤自備。○康帝中書令何充舍宅爲建福寺。○哀帝詔建瓦官寺。○廢帝詔爲支遁法師建沃洲寺。○簡文帝詔爲尼道容建新林寺，敕長干寺造三級塔。○孝武帝潯陽刺史陶範舍所居爲永法師建西林寺，九江刺史桓伊爲遠

法師建東林寺。○荊州牧桓沖命曇翼法師建東西二寺，常及萬僧。

宋高祖范泰建祇洹寺，謝靈運建招提寺。○文帝爲高祖建報恩寺。○勅沙門道祐往鄖縣建浮圖三級。

○沙門曇摩密多於鄖縣建阿育王塔。

齊高帝沙門玄暢建齊隆寺，感青衣神人遶山守護。○武帝居土明僧紹以攝山宅爲棲霞寺。

梁武帝舊宅七夜放光，勅建光宅寺。○詔修長干塔，得流離瓶，盛舍利爪髮。○同泰寺浮圖災，更建十二層浮圖。○華陽真人陶弘景於三茅山建浮圖白塔。○岳陽王蕭詵鎮越州，重修輒木二塔，知前身是許



北魏文成大復佛法詔郡縣各建浮圖一區○敕建鹿野寺與禪僧數百習學禪定○孝文爲太后建報德寺爲羅什法師舊名草堂建三級浮圖○宣武洛陽毀輝聞地下鐘聲得金佛一菩薩二遂舍宅爲寺北周常念寺藏舍利光明自瓶出建浮圖奉安之隋文帝詔相州戰地爲軍士死事者建寺薦福○辛亥刺史當居此○詔天下名藩建靈塔奉藏舍利凡百十一塔靈瑞之迹備在僧傳○唐公李淵舍宅爲清禪寺○詔建禪定寺召曇遷法師集名德百二十

人委之○智者禪師至玉泉感關王役神兵造寺○真觀禪師於虎林山建天竺山○煬帝智者遺言於天台山造國清寺

唐高祖爲沙門景暉立勝業寺爲沙門曇獻立慈悲寺爲并州起義立義興寺○太宗詔以皇家舊宅爲興聖寺○詔於建義以來交兵之處各建寺破劉武周於汾州立弘濟寺李百藥撰碑二十○詔以慶善宮爲穆太后建慈德寺爲皇太子承乾建普光寺○詔以洛陽舊宅爲天官寺○詔爲穆太后建弘福寺○皇太子爲文德皇后建慈恩寺○高宗敕建西明寺大殿十三所○睿宗詔以沙門慧雲所造汴州



建國寺為大相國寺

帝從相王薨飛故以名

○玄宗勅以寢殿

北建安國寺彌勒殿

○勅天下諸郡建開元寺龍興

寺○肅宗上皇幸成都沙門英幹施粥救貧餒願國

運再清勅建大聖慈寺九十六院八千五百區○尚

書右丞王維與弟縉奉佛母喪以輜川第為寺○代

宗夢遊山寺翌日御邪山建刹進圖賜名寶應寺○

帝夢牛首山辟支佛來見勅山中建七級浮圖○淮

西兵馬使李重倩舍宅為佛經坊賜名寶應○文宗

身側卧如坐○宣宗勅

天下諸寺修治諸祖師塔○昭宗勅羅什譯經處重

建草堂寺

晉曹山有梵僧群集山頂飛行而去勅建街五禪寺

宋太祖吳越王俶造金銅八萬四千塔布散國內○

太宗周廢龍興寺為官倉寺僧擊鼓求復勅復為寺

○賜天下無名寺額曰太平興國曰乾明○勅往二

基造金銅文殊萬菩薩像○詔建開聖禪寺奉天竺

栴檀瑞像釋迦佛牙誌公真身○勅往天台山重建

壽昌寺造羅漢像五百十六身○開寶寺建塔十一

層三十六丈上手藏舍利塔放光照天地○真宗詔

賜金修峨眉普賢寺○沙門繼全自西天還得佛舍

利建塔揚州○勅江寧府長干寺塔賜名聖感○詔

并州建資聖院為將士戰亡追福○仁宗勅京師建



慈化寺爲先帝薦福○勅再建靈感塔○內侍李允寧奏以第宅創十方淨因寺詔璉禪師居之○英宗勅天下私造寺院並賜壽聖之額○神宗勅開寶寺靈感塔御篆鴻福圓成之塔○哲宗四明延慶沙門介然創十六觀堂陳瓘爲記○徽宗雲居祐禪師作三塔曰雲端禪師建祖堂洪覺範論之曰雲居白雲識度高遠斯可爲天下法○高宗敕天下州郡立報恩寺爲徽宗追嚴○敕西湖北山建天申萬壽圓覺寺○孝宗賜內帑於上竺建藏殿○敕賜錢於上竺建十六觀堂內翰樓鑰記○敕於禁中建內觀堂一遵上竺製度

### 西天求法

魏高貴鄉公沙門朱士行西遊于闐得放光般若晉安帝沙門法顯自西域得經像泛南海而還

宋高祖曇無竭往西竺二十年還揚都譯經○後廢帝沙門法獻西遊于闐得提婆品

梁沙門智宣往西竺得梵經還

陳宣帝沙門智圓往西竺隋文帝時得梵經還

北魏孝明遣使者宋雲沙門法力往西天得梵經百七十部還

比齊後主沙門寶暹等往西天得梵本還



隋文帝陳朝沙門智周等西竺求經還

唐太宗勅李義表王元策使西竺登耆山刻碑紀唐威德○玄奘三藏自西天求經還召見詔撰西域記○武后初義淨三藏自南海附舶往西竺求法至罽特梵本寄佛逝國述南海寄歸傳求法高僧傳○玄宗沙門慧日往西天還召見說法賜號慈愍三藏法師

梁太祖沙門智宣往西竺求經還進佛骨梵經

宋太祖沙門道圓遊五天竺還進舍利梵經○沙門行勤等應詔往西竺求法所經諸國並賜詔書令遣以前道○沙門建盛自西竺還進貝葉梵經○真宗開封府陳恕言沙門往西天取經者宜察人材○仁宗沙門懷問乞往西竺為今上建塔于佛金剛座側○沙門懷問得濟永定等自中天竺還進佛骨舍利貝葉梵經西天碑十九本

東土譯經

漢明帝摩騰竺法蘭至始譯四十二章經法蘭又譯佛本行經五部○桓帝末誠譯般若三昧經等二部○靈帝竺佛朔譯道行般若經終漢之世譯經



三百餘部○信士嚴佛調譯古維摩經

魏齊王曇摩迦羅譯僧祇律曇無德譯四分戒本○  
康僧鎧譯無量壽經○高貴鄉公沙門帛延至洛陽  
譯無量清淨平等覺經○沙門朱士行至干闥得放  
光般若經

晉武帝竺法護譯正法華涅槃經等○孝武鳩摩羅  
什至秦譯大品般若經○安帝羅什在秦譯妙法華  
經遺教經維摩經大智度論○曇無讖至涼譯悲華  
經大般涅槃經卷十○佛陀邪舍在秦譯四分律○  
佛隨跋陀羅於建康譯華嚴經卷六○慧嚴慧觀等受  
宋少帝佛陀什譯五分律○文帝曇摩密多譯音賢

行法經量良邪舍譯無量壽佛經

齊高帝曇摩邪舍譯無量義經

梁武帝沙門衆善譯文殊般若經帝親筆受○真諦

譯金光明經○簡文帝真諦譯起信論俱舍論

北魏宣武菩提流支於紫極殿譯經帝親筆受

陳文帝闍那崛多譯佛本行經三十二部學士費長

房筆受

隋文帝笈多囑多重譯法華經八卷者

唐太宗玄奘三藏上新譯菩薩藏經顯揚聖教論等

○獎法師譯瑜伽地師論勅頒賜九道總管緡製聖

教序○高宗佛陀多羅譯圓覺經○勅左僕射于志



寧吏部尚書來濟兼譯經潤文○詔玄奘三藏譯大般若經六百卷○沙門會寧從海至訶陵國遇智賢對譯涅槃後分經二卷○敕三藏月照杜行顓共譯佛頂尊勝咒敕不避國諱○武右遣使往于闐國迎實叉難陀至東都重譯華嚴經八十卷此第二○中宗詔義淨三藏譯孔雀咒王經御製座○宰相房融至南海遇般刺密諦譯首楞嚴經融親筆受○詔義淨三藏譯藥師七佛經上親筆受○詔菩提流志於佛光殿譯經上親筆受百僚侍坐○菩提流志與寶積經修文館學士武平一充翻經使盧藏用等潤文○菩提流志進新譯經賜齋林光殿勅畫工圖塑

大德千殿壁○睿宗菩提流志譯寶積經宰相張說侍郎陸象先博士賀知章等潤文○德宗菩提流志進寶積經百二十卷御製聖教序○般若三藏譯烏荼國進本華嚴淨行品帝親預譯場臨文裁正○般若三藏澄觀法師進新譯華嚴經四十卷此第三○德宗勅諫議孟簡等於醴泉宮監護譯經潤文

○太祖天竺沙門法天譯聖無量壽經王龜從潤文○太宗召法天入京師始興譯事○三藏天息災施護至敕赴闕召見○詔建譯經院令天息災等居之述譯經儀式自譯主至潤文凡九位車駕親幸賜坐討論○真宗上幸譯經院觀譯經○知制誥朱子昂



兼譯經潤文官○侍郎陳恕言譯經院久費供億乞罷之上以先朝盛典不許○宰相王欽若兼譯經潤文使○宰相丁謂兼譯經潤文使翰林學士晁迥李維兼潤文官○仁宗三藏惟淨乞停罷譯經上曰三聖舊典焉敢即廢且琛貢之籍非鴻臚則不可識○宰相章得象兼譯經潤文使○宰相文彥博兼譯經潤文使○翰林夏竦等進新譯經音義七十卷○右僕射譯經潤文使呂夷簡參知政事潤文官宋綬奉詔修法寶錄○宰相富弼兼譯經潤文使○徽宗譯經三藏金總持南遊江浙

經目僧數

唐玄宗沙門智昇撰開元釋教錄凡五千四十八卷朱仁宗三藏惟淨進天聖釋教錄凡六千一百九十七卷

北魏孝靜僧尼二百萬人寺三萬所

北齊文宣僧尼四百萬人寺四萬所

太宋真宗僧三十九萬七千六百十五人尼六萬一千二百四十人○仁宗僧三十八萬五千五百二十人尼四萬八千七百四十人○神宗僧二十二萬六千六百六十人尼三萬四千三十人○高宗僧二十萬人尼六元世宗僧尼二十一萬三千一百四十八人寺院



四万二千三百十八區

天台傳教

北齊河南文禪師悟龍樹一心三智之旨為思禪師說三觀口決

陳文帝思禪師於大菴山為顓禪師說四安樂行示普賢道場○廢帝思禪師來居南岳為岳君授戒法○宣帝顓禪師於金陵瓦官寺為儀同沈君理等開法華經題○少帝詔瓦官禪師赴太極殿開大智度論題仁王般若經題○詔瓦官禪師居光宅寺帝幸寺聽講仁王經○光宅禪師講法華經章安頂禪師

預聽

隋文帝晉王廣於揚州迎禪師授菩薩戒上師號曰智者○智者禪師於玉泉山為關王父子授菩薩戒○智者於玉泉山說法華玄義章安預聽○智者於玉泉山說摩訶止觀章安預聽○恭帝章安於天台國清為法華威禪師說止觀

唐高宗法華為天宮威禪師說止觀○武后天宮為左溪朗禪師說止觀○玄宗左溪為荆溪然禪師說止觀○代宗荆溪於佛隴為邃法師說止觀○德宗邃法師於國清為脩法師說止觀○文宗脩法師於禪林為外法師說止觀○僖宗外法師於國清為瑋法師說止觀○昭宗瑋法師於國清為疎法師說止觀



觀

晉高祖疎法師於國清爲寂法師說止觀

宋太祖寂法師於螺溪爲通法師說止觀諸法門○  
太宗通法師於寶雲爲禮法師說止觀諸法門○真  
宗禮法師於南湖保恩答日本源信法師問具現保  
恩額爲延慶同異闡師作誠誓辭二篇俱爲長講天  
台教法之地○禮法師結十僧修法華懺三年焚身  
供法翰林楊億貽書勸請住世○詔賜東掖山智者  
數文印木四千六百二十卷○都尉李遵勗奏四明  
禮法師高行遺身上嘉歎賜號法智○詔遣內侍俞  
源往四明延慶請法智領衆修懺祈福爲述修懺

要旨○章懿太后遣使詣天竺請式法師爲國行懺  
師上金光明護國儀因奏天台教卷乞入大藏○仁  
宗敕內侍楊懷古詣天竺爲國祈福式法師復乞天  
台教文入藏○延慶法智於佛生日縱魚鳥放生  
文郡守曾會以聞敕樞密劉筠撰文立石寺門○延  
慶法智策試生徒名開懺四十二章至今爲法○詔  
賜天台教文入藏飯靈山千衆○東掖山如法師集  
百僧修長懺都尉馬遵勗聞于朝賜號神照與郡守  
章得象諸賢結白蓮社○神宗海月大師慧辯居天  
竺靈山郡補都僧正九管內寺院庶席會諸刹英俊  
開問義科場糊名考校○孝宗敕福州東禪依天竺



二年降旨天台教部鑄板入藏○寧宗荆門軍乞加封玉泉智者勅賜雲惠大師○理宗靈山守愚奏法智大師所著記鈔二百餘卷乞入藏制可  
禪苑傳燈

梁武帝大通元年菩提達磨汎海至廣州詔入見問如何是聖諦第一義師云廓然無聖帝曰對朕者誰師云不識帝不契師渡江入魏

北魏孝明武泰元年達磨自梁入魏止嵩高山少林寺面壁三詔不至○文帝大統元年達磨傳法及袈裟於慧可端坐示滅葬熊耳山定林寺

隋文帝二祖慧可先傳法於僧粲往正勅寺說法有

和法師說于道以法先謂慧可曰吾有宿累今欲償之○煬帝三祖僧粲居皖公山傳法於沙彌道信儼立而化

唐太宗四祖道信居黃梅山四徵不起○四祖居破頭山有老僧號栽松道者寄生周氏女見四祖令出家是為弘忍○四祖望破頭山紫氣如蓋下有白氣橫分六道忍曰莫是和上他自橫出一枝佛法否祖曰如是○高宗五祖弘忍見行者慧能壁間書偈夜召能告之曰佛以正法眼藏展轉傳授吾今授汝并所傳袈裟用以表信能通夕南邁明上座追至庾嶺能擲衣鉢於石上明舉之不動云○高宗牛頭融禪



師得法於五祖應橫出一枝佛法之記○慧能至廣州值印宗禪師為其落髮受戒大開東山法門明年歸曹溪○中宗遣使迎六祖入京行道表辭以疾○肅宗勅遣使往韶州迎六祖衣鉢入內供養○代宗夢六祖請衣鉢還山勅劉崇景頂戴送還○詔忠國師入見問大白山人識山識地識字善筆示○憲宗江州刺史李渤問歸宗常禪師如何是芥子納須彌示○居士龐蘊問馬祖云不與萬法為侶是什麼人所無○龐公謂州牧于頔曰但願空諸所有謹勿實諸賓問酬云後世廣之名禪苑清規○穆宗傳即白

易見歸宗值師泥壁云○白居易知杭州問道為寒擇師云○文宗觀察使陸亘請南泉入郡問道云○宣宗勅鹽官齊安禪師以師禮召力辭○召弘辨禪師入見問道○懿宗雪峯存禪師居山四十年法席冠天下云○昭宗仰山寂禪師稟法於瀉山世撫為仰宗○趙王見趙州諡禪師云

梁太宗玄沙備禪師問主待以師禮

唐莊宗召三聖慧然禪師入內殿問禪法云

周世宗江南唐後主以師禮待益禪師謚大法眼宋太祖敕韶州開觀雲門塔真身如坐迎赴闕供養○仁宗肩山龜洵謁祖印諡禪師問法○大覺蓮禪



師乞歸老山中進頌云○英宗建禪師乞歸育王山  
建宸奎閣奉先朝聖製龜軾作記○神宗詔章虛山  
東林爲禪席命提禪師居之應遠公七百年之義○  
哲宗韶陽南華重辯請龜軾書柳宗元六祖碑示○  
四明大梅山英禪師稱照律師分慈愍三藏集謄禪  
宗爲異見著空作解謄以詰之○徽宗知和禪師至  
四明正言陳禾招居東湖二靈山一虎爲待者云  
律宗垂範

梁武帝慶律師衆聖照記

陳宣帝文律師上壽免僧侶轉輪之役○瓊律師勅  
總知國內初受戒者參律五夏

北魏孝文法聰律師專講四分律門人道履錄爲義  
疏

隋文帝靈藏律師帝手勅曰弟子是俗人天子律師  
是道人天子由是度人至數萬

唐高宗宣律師在西明寺行道足跌有聖者扶其足  
曰北天王太子那叱奉命來衛及獻佛牙師與天人  
廣問律相西天勝迹作天人感通傳○智光律師於  
廣州與行者慧能授滿分戒○中宗勅文綱律師入  
大內安居行道○詔道岸律師入宮爲妃主授歸戒  
命圖形林光宮製御讚○玄宗日本國沙門榮睿至  
揚州律師鑒真與睿附舶而去王迎勞之館毗盧壇



請授歸戒。日本律學始此。

宋仁宗杭州允堪律師述會正記釋南山律文。○徽宗杭州元照律師約法華開顯作資持記釋南山律文。○理宗明慶思律師奏南山大智律文乞入藏。製可。

### 神尼異行

晉康帝比立尼淨檢於本法得戒有。天女下庭忻然攜手臨光升天。○廢帝洛陽東寺尼道馨說法華維摩經者如市。○簡文帝召烏江寺尼道容授八關齋戒。○孝武帝相溫在姑孰有異尼來見求浴以刀砍腹斷兩足謂溫曰卿若作天子亦當如是云。

宋文帝尼道壽誦法華有寶蓋垂覆頂上。○明帝尼淨秀感龍王諸天驅使。

梁武帝剡川尼法宣誦法華見帳蓋覆其上郡守請為越城母師。

陳武帝高郵尼誦法華十八生華號華手尼。

隋文帝始生般若寺尼智仙視育之及長蜜告之曰汝當大貴佛法新廢賴汝而興。

唐武后絳州二女師亡且詣墳號哭忽生蓮華五莖后聞召一女親為落髮。○德宗安國寺二尼持法禁忍同修法華三昧忽有左號空姑來共止宿中夜身光赫然人謂是昔賢。



名山勝迹

阿育王山晉武帝時劉薩何至鄒山求舍利塔塔在精舍因號一一一一○太白山晉惠帝沙門袁興盛於山中太白化童子給侍因號天童一一一一○唐玄宗高僧法睿集故迹立精舍誦法華太白化童子送供因號太白禪師名其山曰天童○天竺山晉成帝沙門竺慧理至虎林山唐時建寺改爲武林驚曰中天竺靈鷲小嶺何年飛來因名一一一一飛來峯靈隱寺○石城山齊武帝沙門僧護於剡縣一一一一鑿石造彌勒像後有僧淑僧祐相繼鑿成高十一丈天神謂宜律師即護淑祐後身世攝爲三生石佛○唐昭宗吳越王

建瑞相寺以奉石像○羅浮山唐玄宗勅一一一一是華首菩薩住處特立延禪寺○五臺山記云山形五峙周五百里中臺高四十里上有文殊彌勒石像東南有清涼寺文殊所居宋太宗太平五年所引唐高宗勅沙門會曠詣五臺見金光滿殿空聲響哉○剡賓沙門佛施波利至五臺遇老人令還西土取佛頂尊勝咒云云○代宗沙門法照謁五臺見金門樓觀文殊普賢分座說法因建竹林寺○憲宗無著禪師入五臺見山翁牽牛隨入一寺呼均提童子進玳瑁盃對飲酥酪○穆宗裴度薨五臺文殊見從者萬衆○宋太宗敕內侍往五臺造金銅文殊萬菩薩像重修真空華嚴



十寺○大洪山唐文宗善信大師斷足而化張武陵  
父子侍立亦解化人稱大聖二聖云○峨眉山志云  
昔蒲翁入山見普賢大士真相自茲顯迹宋太祖勅  
往一一莊嚴佛像因嘉州夢普賢見相○太宗勅  
往成都鑄金銅普賢像安峨眉山白水寺三峨高出  
五岳秀甲九州為震旦第一山○通判王褒往峨眉  
見瓦屋山皆變金色中有普賢○勅送寶冠袈裟往  
峨眉普賢寺見大士乘紫雲行空中○鴈蕩山山頂  
大池相傳為一一下二潭為龍湫諸矩羅尊者所居  
見真宗○補陀山唐宣宗一一在大海中去鄞城  
作持觀東南水道六百里大悲經所謂補陀落迦山觀世音

宮殿山有潮音洞洞前石橋瞻禮者或見大士善財  
淨瓶頻伽云天下名山不止於此  
聖教感通云但取通塞志所引故爾

魏正始康居沙門康僧會入吳吳主令求舍利潔齋  
懇求三七日鏗然有聲云云

晉成帝賴峻亂焚燒宮室獨樂賢堂所畫釋迦像不  
壞

宋文帝將軍王玄謨將刑夢人教念十句觀音經遂  
得免北齊武成孫敬德有罪當死夢僧教誦經千遍  
臨刑刀三折大宋嘉祐龍學梅堯妻失明夢白衣教  
誦十句觀音經雙目復明此經前  
後三驗



齊武帝劉劭母疾誦觀音數萬遍僧曰夫人筆盡當  
為申延六十日○竟陵王夢中作維摩一契詠之群  
鶴飛舞○晉安王七歲母病請僧行道銅鑾蓮華鮮  
紅七日○明帝廢曇恭五歲母病思瓜俄有僧遺一  
瓜  
比魏文成疏勒國進佛袈裟長二丈帝命焚試終日  
不然○孝莊永寧寺浮圖災東萊人見在海中  
隋煬帝為智者設千僧齋觀溢一人咸謂化身來受  
國供開視靈塔唯空牀虛帳  
唐高祖李錄事亡往餘法師處聽法與人言曰人頭  
以上便是鬼神諸夫充滿○高宗英禪師修設梁武

水陸成素莊襄王張儀等致謝云○憲宗法師智慧  
炊飯散郊外祝之曰食吾飯者願為法俱後二十年  
往鄴城開講座下千眾皆年少○官軍與吳元濟戰  
鄧隱操振錫飛空兩軍仰觀歎異○懿宗禁中設萬  
僧齋有長眉僧來應供受齋畢陵空而去○昭宗文  
矩禪師謁西院時五百僧俱染時疾師以杖點之隨  
杖而起

宋太祖至相國寺見僧醉嘔密令小瑞取吐物則真  
乳香○上親征揚州以固拒敵防之有沙門稱清範  
來乞恩者翌日幸龍興寺見殿上羅漢手擎草表○  
真宗開寶寺金色光見上幸敬觀地上獲舍利五千



粒○仁宗夢龍蟠景德寺地遣使視之僧道隆叩門  
外召見為建院云○相州發塔基得佛髮舍利引之  
甚長人從中過往來不斷○神宗雷峯寺法師為靈  
芝元照等授菩薩戒見觀音像放光○朱壽昌刺血  
書經文五十年得於同州○哲宗張商英遊五臺  
見文殊在金光中○楊傑詣雙林禮大士輪藏自轉  
○登封令樓昇修少林道場產芝草十二本雨甘露  
夜有光燄天○徽宗揚州奏泗州大聖見于普慧塔  
○詔移釋迦像至御容殿像俛首過橫梁又持紙度  
像足○道法師流道州郡守夢佛像荷枷入城守城  
其異令善待之○孝宗魏公史浩初攝昌國鹽監謫

臨陀山見大士金色雙齒有長身僧來見請公歷官  
至大師

持誦功深

晉安帝沙門曇翼誦法華咸普賢來試云○沙門法  
莊誦法華房門神兵衛護○沙門曇遠赴日塢神祠  
請講法華十九日

宋孝武沙門僧瑜常持法華是年入柴舍龍焚香所看  
生雙桐樹○沙門慧益誦法華焚身帝駕往觀止不  
從詔焚處建藥王寺

梁武帝更誦誦法華舉家聞上行先生已生淨土○  
元帝瑛法師誦般若經獲延年



此魏博士盧景祐繫獄至心誦經枷鎖自脫

隋文帝沙門惠盈誦法華五道大神請授戒法

唐高祖書生荀倩空中書金剛經曰擬請天讀誦後大雨其地丈餘不涇異僧曰此地空中有經諸天以寶蓋覆之○太宗岑文本常念普門品乘舟吳江舟覆隨波至岸後於家設齋一僧曰天下方亂君幸不預災終至富貴太宗朝為中書令○玄宗沙門楚金誦法華經至寶塔品塔忽現前○遂州任善病亡間一一僧至閻王所僧曰常誦金剛經忽有五色雲迎僧升天冥官謂善曰汝亦曾誦即令放還連水趙塵路逢亡妻言今受苦可取衣裝造金剛經一部將異

因過墓所老人云汝妻已生天○蘇珪合家常誦金剛經妻崔氏以瘦悴竊食肉為膏慳氣絕見閻王責曰汝夫是肉身菩薩汝何為食肉賴有誦經功延壽二十年遂蘇○肅宗沙門抱玉入京受戒帝夢其常誦法華口出五色光○代宗沙門道遵置法華經院舉高行十四人常持法華以燭繼晷○別駕周伯達常持金剛經忽見梵僧自稱須菩提謂曰汝誦經何不斷肉伯達疎懼即蔬素祥感屢見○文宗尚食厨烹雞子忽群奴呼觀音菩薩勅不得用雞子又一日食蛤蜊有磬不開若俄變為大士形因詔天下寺院皆立觀音像



宋太祖詔沈義倫以金銀字寫金剛經召沙門崇蘊入內誦演○孝宗四明沃承璋行雪月大師般若經關云○光宗都官陸沆日誦法華三部及發蓮華香氣自口鼻而出

### 西遊樂國

晉廬山東林遠法師與西林求法師劉遺民宗炳雷次宗十八賢結社念佛

梁武帝虔誦家人聞空聲云上行先生已生淨土比魏太武縊沙門玄高慧崇殺之弟子法進號高曰我往見高於空中問和上與崇公當生何所高曰我往惡生崇公已歸淨土

唐太宗善導法師至京師造彌陀經十餘萬卷淨土變相三百餘壁補長安中並從其化云○德宗法照法師於并州行五會教人念佛帝聞東北方有念佛聲遣使尋至太原乃迎入禁中教宮人念佛亦及五會○沙門少康往新定化郡人念佛每升座唱佛衆見一佛從口出連唱十聲則見千佛後放異光數道而逝○宣宗白居易畫西方淨土一部晝夜供養一夕念佛而化○懿宗湘山全真禪師坐亡世攝無量壽佛化現

宋太祖吳越王錢氏請壽禪師居永明日暮往別峯念佛後焚香告衆加趺而化○仁宗文彥博在京師



與嚴禪師結僧俗十萬人念佛○哲宗揚傑繪文六  
阿彌陀佛隨身觀念感佛來迎○蘇軾嘗撰阿彌陀  
佛一軸曰此軾往生西方公據也○高宗金虜破四  
明逼湖心肇律師北行至京口謂人曰吾西歸矣即  
聞笙歌之聲一時軍民咸見師西望念佛而化○侍  
郎吳秉信被召至蕭山驛舍聞天樂聲即日金臺已  
至言訖而化○孝宗龍舒王日休念佛日千拜一夕  
云佛來接我也屹然立化為淨土文行於世若欲知  
生事詳高僧傳淨土  
立教志四卷觀之

歷代會要志第三

歷代會要志第四

佛祖統紀卷五十五

天宋咸淳四明福泉沙門

志磐撰

三教出興

三教厄運

三教詆偽

三教談論

僧道角法

僧先道後

內律分財

僧制治罰

僧籍免丁

賜謚封塔

褒恤終亡

臨終瑞相

君臣悞法

韓歐排佛

化胡偽經

事魔邪黨

毀法惡報

三教出興

釋

道

儒

周昭王二十六年甲寅四月八日佛從母夫人右脇而  
出自行七步舉右手而言曰天上天下唯我獨尊○



四月八日。五色光氣入貫紫微。太史賴由曰。有大聖人。生於西方。佛生。在老子前。○穆王五十三年。壬二月十五日。佛在俱尸那城。娑羅雙樹間。入般涅槃。○太史彪多曰。西方聖人。終亡之相。○穆王時。文殊目連西來。化王於中南山。造三會道場。王子造迦葉佛像。○襄王三年。秦繆公獲石像。由余曰。佛神也。秦始皇四年。西域沙門室利房等十八人。持經至帝。囚之。有丈六金神破戶出之。

漢武帝元狩四年。霍去病討匈奴。得祭天金人長丈餘。帝列於甘泉宮。焚香禮敬。○成帝鴻嘉二年。剡向

校書。天祿閣。往往見有佛經。○哀帝元壽元年。月氏使。月氏得浮圖經。還。

漢明帝永平七年。帝夢金人丈六。飛行殿庭。傳毅曰。西方聖人。其名曰佛。帝乃遣蔡愔等。使西域。於月氏遇摩騰竺法蘭。得佛像。梵經。載以白馬。達于洛陽。此

三寶具足

列子著書稱孔子荅商太宰曰。西方之人有聖者焉。不治而不亂。不言而自信。不化而自行。

文中子或問佛曰。聖人也。其教如何。曰。西方之教

也。已上釋教出興

周定王三年九月十四日。老子生於楚陳郡。在孔子前五十年



年○簡王四年老子為周守藏吏十三年為柱下史  
○敬王元年入函谷關為尹令著道德經西之流沙  
漢靈帝光和二年老君降天台山以大洞靈寶經并  
三籙感應篇授仙人葛玄

北魏太武延和二年嵩山道士寇謙之遇太上老君  
命為天師又遇老子玄孫李普文授圖籙真經

唐高宗乾封元年幸亳謁老君上尊號曰玄元皇帝  
聖母曰先天太后○玄宗開元二十九年上夢玄元  
皇帝遣使得其像置興慶宮命畫真容置諸郡開元  
觀詔諸郡立玄元皇帝廟○天寶元年老君降丹鳳  
門令田同秀奏往尹令舊宅掘取金匱靈符以鎮國

政元天寶○二年上老君號曰大聖祖玄元皇帝○  
七載上老君號曰聖祖大道玄元皇帝○十三載上  
老君號曰大聖祖高上大道金闕玄元天皇帝○  
僖宗詔成都老君玄中觀改名青羊宮近宮田地多  
植葱蒜臭穢熏蒸賜錢買歸靖廬已土道  
教出興

周靈王二十一年十一月庚子孔子生魯陬邑○景  
王十年孔子朝周問禮於老子○敬王十九年為魯  
中都宰二十一年為司空二十二年為大司寇誅少  
正卯隳三都魯定公受齊女樂三日不聽政孔子遂  
適衛三十六年自衛反魯刪詩定書繫周易作春秋  
以曾參孝為作孝經三十九年哀公西狩獲麟孔子



傷麟出非時遂絕筆於春秋四十一年四月乙丑孔子卒葬泗水上弟子三千人身通六藝者七十二人漢平帝元始元年追謚孔子褒成宣尼公

宋孝武孝建元年詔建孔子廟

梁武帝天監四年詔天下立孔子廟

北魏孝文太和三年謚孔子為文宣公

唐太宗正觀十一年舊制釋奠以周公為先聖孔子為先師至是房玄齡建議請以孔子為先聖顏子為先師陪饗詔可○高宗幸魯祠孔子追封太師○武后追謚孔子隆道公○玄宗開元二十七年追謚孔子為文宣王南鄉坐弟子封公侯伯

宋真宗祥符元年幸曲阜謁孔子廟特拜加謚玄聖文宣王五年避聖祖諱改至聖文宣王○仁宗敕賜兗州先聖廟飛帛御書殿額祭文○神宗封孟子鄒國公陪饗文宣王廟○哲宗賜先聖廟田百頃幸國子監請文宣王殿行釋奠禮一獻再拜○徽宗崇寧三年以王安石陪饗文宣王廟五年詔文宣王冕十二旒服九章政和元年敕先聖廟用二十四戟賜禮器大成新樂○欽宗勅毀王安石陪饗已上儒教出興唐玄宗開元十八年敕兩京諸郡立齊太公廟○肅宗上元元年追封太公為武成王祭典同文宣王○宋真宗祥符元年封太公昭烈武成王○哲宗幸武



成王廟肅揖

附於儒教

三教厄運

儒

道

釋

秦始皇三十四年。丞相李斯請以詩書百家語。雜燒之。有偶語詩書者。棄市。三十五年。以諸生誹謗。自除犯禁者四百六十人。阮之咸陽。

漢桓帝延熹八年。宦官告司隸校尉李膺交結生徒。詔捕黨人。辭及二百餘人。皆天下名賢。久之赦黨人。禁錮終身。○靈帝建寧元年。宦官殺太傅陳蕃。大將軍竇武。捕宗親賓客。悉誅之。李膺詣獄。考死黨人。死者百餘人。天下儒學。有行死徒。廢禁六七百人。

唐景宗天祐二年。朱全忠入長安。聚宰相裴樞朝士。

三十餘人。殺之。投屍于河。

宋哲宗紹聖三年。詔文彥博三十七人。為元祐黨人。○徽宗崇寧三年。置元祐黨籍。司馬光三百九人。刻石文德殿門。五年。誣出西方。詔毀文德殿黨籍。已上儒教漢明帝永平十四年。道士褚善信等。請與西竺摩騰角法。不勝。費叔才自感而死。呂惠通等六百二十人。並令出家。

梁武帝天監二年。率群臣士庶。發菩提心。求棄道教。十六年。敕廢天下道觀。道士皆反俗。北齊文宣天保六年。道士請與釋角法。不勝。詔道士並從剃度。自是齊境並無道士。



北周武帝建德三年并罷釋道二教

已上道教

晉安帝隆安二年桓玄輔政詔沙汰僧尼廬山遠法師上書力辨遂寢

陳後主至德三年朝議令僧尼無業者皆休道智禪師即停搜簡

北魏太武太平真君七年帝信司徒崔浩說案誅天下沙門焚毀經像後崔浩以罪腰斬族誅帝為常侍宗愛所弑文成即位大復佛法

北周武帝建德三年帝信衛元嵩說并罷釋道二教並令還俗宣帝即位詔復佛法○靜帝大定元年詔復釋道二教杜祈入冥見周武在鐵獄受苦

隋文帝詔周朝廢寺咸興修營戶口出錢建立經像○煬帝大業五年詔僧徒無德業者並令罷道智者弟子太志上表然臂乞興三寶詔竟不行

唐高祖武德九年太史令傅奕乞廢佛法凡七上疏詔僧道戒行虧闕者悉令罷道月餘停前沙汰奕惡病死有人入冥聞已付越州泥黎○玄宗開元二年宰相姚崇奏沙汰僧尼偽濫者萬二千人並令還俗禁度僧建寺鑄佛寫經○開元十五年勅天下村坊佛堂小者並拆除之功德移入近寺公私望風凡大屋大像亦被殘毀○文宗太和九年翰林李訓請沙汰僧尼毀大內靈像夜大風壞殿屋城門帝懼勅停



沙汰○武宗會昌五年用道士趙歸真宰相李德裕謀毀折天下寺院僧尼歸俗者二十六萬人長安人夜見穆王冢吏云李炎奪壽去位宣宗即位捕趙歸真等十三人誅之李德裕貶死崖州

周世宗顯德七年勅民間銅像輪官鑄錢廢寺院三千三百所不許私度僧尼有武將周百勝入冥見世宗卧鐵牀受罪本朝太祖大復佛法

宋徽宗詔釋氏水陸道場不當設三清等位天帝不應與鬼神同列道法師曰毀佛之禍兆於此矣○宣和元年用道士林靈素言詔改佛服天尊服僧尼巾冠執簡稱德士高僧日華嚴等不奉詔開封尹盛章

捕七人杖殺之左街永道法師上書諫上怒流道州臺臣言靈素妄議遷都改除釋教上寤放死溫州二年詔大復僧尼○高宗紹興十二年詹叔義上表乞住賣度牒十五年勅僧道納免丁錢侍郎具秉信請賣度牒被論而出靈隱道昌禪師乞行度牒不報侍郎吳子才乞行度牒罷歸田里二十年大斂民間銅器寺觀佛像鐘磬並令置籍每斤收筭二十

文中子曰詩書盛而秦世滅非神尼之罪也虛玄長而晉室亂非老莊之罪也齋戒修而梁國亡非釋迦之罪也已上教

三教詆偽

儒

道

釋



秦李斯初學于荀卿及爲秦相請以詩書百家語詰守尉雜燒之

漢靈帝中平初鉅鹿張角事黃老以符水療病號太平道十餘年間衆數千萬時號黃巾賊皇甫嵩討平之

北魏孝莊時冀州沙門法慶勸海李歸伯率鄉人爲亂自號大乘佛斬害僧尼焚燒經卷元遙討破之唐武后有女人自稱聖菩薩召見時大安禪師至問曰聞汝善觀心我心何在三問皆驗師復問之女辭屈變作牝狐下階而走

### 三教談論

宋明帝幸莊嚴寺觀三教談論

唐高祖幸國學命博士徐曠沙門慧乘道士劉進善講說○太宗詔祭酒孔穎達沙門慧淨道士蔡晃弘文談論三教○德宗聖節敕給事中徐岳沙門覃延道士葛參成講論三教○敕沙門端甫入內殿與僧道論議○敬宗敕沙門道士四百人於大明宮談論設齋○文宗聖節詔秘書監白居易沙門義林道士楊弘元談論三教○宣宗敕諫議李貽孫國師知玄同道士談論三教

### 僧道角法

漢明帝五岳八山道士乞與西竺摩騰竺法蘭焚經



角法不勝呂惠通等並令出家

宋明帝逸士顧懽作夷夏論意黨道教司徒表奏爲論以駁之謂孔老教俗釋氏出世常侍何鎮之亦以書抵懽言道家經籍簡陋

陳宣帝南岳思禪師降伏道士歐陽正則十四人敕貸罪給事僧衆云

北齊文宣道士陸脩靜等乞與釋氏角法不勝並令剃度不從者殺四人

北周武帝詔群臣沙門道士於內殿博議三教法猛法師立論理勝司隸大夫甄鸞上笑道論三十六篇隋客問三教優劣李士謙曰佛日也道月也儒五星

上

唐高宗詔沙門義褒等入宮談論道士李榮理屈語塞令黃門引榮退席○玄宗道士吳筠造論毀釋氏浙西觀察使陳少遊請神邕法師面決邪正筠竟敗北○代宗沙門崇慧與道士角法告勝賜紫衣僧先道後

宋明帝顧懽作論以佛道二教齊乎達化北齊魏收撰魏書作佛老志

唐太宗詔老子李姓是朕之祖名位宜在佛先沙門智實詣闕申理不許○上謂弘福寺主道懿曰佛老尊卑通人自鑑朕宗柱下故先老子九有功德金白



釋門太原舊第亦以奉佛未嘗創道觀也云○高宗  
勅道士隸宗正寺班在諸王次○武后勅僧尼依舊  
位在道士上

宋太祖詔令僧道每當朝集僧先道後並立殿廷僧  
東道西若遇郊天道左僧右寧僧錄○徽宗勅道士  
位居僧上○高宗廬山道法師申劄都省崇觀之後  
道士叨視資品林靈素輩視兩府者甚衆遂令道士  
冒居僧上靖康建炎道士視官已行追毀而國忌行  
香寺院衆會猶敢傲然居上今欲復正祖宗舊制云  
續據太常寺稱因黃禮肆赦故事道士左僧右嘉祐編  
敕紹興新書並以僧道寺觀立文政和條內道在僧

上並已刪去尋蒙朝旨應行香立班諸處聚會並依  
祖宗成法以僧居左○紹興十三年臨安府道士劉  
若謙申省乞道士位僧上都僧正善達乞檢準紹興  
三年都省批送法道法師狀繼蒙朝旨依祖宗舊制  
以僧在上告未劉若謙取知委  
內律分財

唐德宗勅亡僧資財舊例送終之餘分及一衆北來  
因事官收並緣擾害今仰依舊一準律文分財法官  
司仍前拘收者以違制論  
僧制治罰

梁武帝制僧尼犯過依佛律行罰



北魏僧犯殺人依俗格斷餘犯付昭玄都統以內律判之

唐太宗詔僧徒有過準內律明爲條制詔頒遺教經付京官刺史僧尼業行與經不同者公私勸勉○高宗英法師奏二事一者正觀以老子位在佛上二者僧道有過同俗推勘虧辱法門上曰僧用俗法即遣停罷○玄宗詔僧尼有過一依佛律處分州縣不待擅行決罰○代宗詔天下官司毋得捶辱僧尼宋真宗詔僧道有犯公罪聽用贖法敕品官無故毀辱僧尼口稱禿字者勒停見任庶民流千里宣和八年吳國公主敬重空門敕品官庶民如有毀

辱僧尼罵稱禿字者照祥符三年指揮施行○孝宗乾道元年鄭國公主出家敕品官庶民有毀辱僧尼罵稱禿字者依祥符宣和敕旨品官勒停庶民流千里仰天下州軍徧榜曉諭僧尼過犯官司不得擅理須奏取指揮施行僧籍免丁

唐武后延載元年敕僧尼舊隸司賓即舊今改隸祠部○玄宗開元十七年詔天下僧尼三歲一造籍○二十四年敕僧尼隸鴻臚寺明年仍舊隸祠部道士隸宗正寺以李宗也○天寶六載敕僧尼屬兩街功德使始令祠部給牒用綾素○德宗建中三年勅僧



尼事故。三綱申州納符告注毀在京於祠部納告。○  
憲宗元和二年。詔僧道隸左右衛功德使。○文宗太  
和五年。勅州郡造僧尼籍。

梁太祖開平元年。敕僧尼改屬祠部。

晉天福二年。以揚光遠爲天下功德使。凡寺院皆屬  
焉。

宋太祖勅僧道隸功德使。出家求度。兼試經業。闕祠  
部給牒。○高宗紹興十五年。勅天下僧道始今納丁  
錢。自十千至二千三百九十九。等謂之清閑錢。年六十  
已上及殘疾者免。

賜謚封塔

晉孝武潛法師亡。詔賜錢建塔。

唐太宗化度寺僧曇亡。上敬悼。賜帛。勅李百藥撰碑。  
歐陽詢書。○中宗神秀國師亡。賜謚大通。○玄宗金  
剛智三藏亡。賜謚灌頂。○清源思禪師逝。謚弘濟。禪  
師歸真之塔。○南岳讓禪師亡。謚大慧。禪師最勝輪  
之塔。○憲宗勅曹溪六祖。謚大鑑。禪師靈照之塔。柳  
宗元撰碑。○穆宗汾陽崇禪師。賜謚大達。國師。○宣  
宗勅重建東林寺。追謚遠法師曰辨覺。○瀉山祐禪  
師亡。賜謚大圓。○黃檗運禪師亡。賜謚幽際。○懿宗  
德山鑒禪師亡。賜謚見性。○臨濟玄禪師亡。賜謚慧  
照。○洞山玠禪師亡。賜謚悟本。○追謚南山宣律師曰



澄照○趙州諡禪師亡諡真際○雲居膺禪師亡諡弘覺○曹山寂禪師亡諡元鑑

唐莊宗問道於三聖慧然及亡諡廣濟大師通寂之塔

宋太祖永明壽禪師亡賜諡智覺○太宗追諡東林遠法師曰圓悟西林永法師曰覺寂○明教大師天息災亡諡慧辯○傳教大師法賢亡諡玄覺○徽宗崇寧元年赦書節文天下名德未有諡號者仰所屬以聞唐宣律師賜諡法海慈雲式法師諡法寶南屏臻法師諡實相孤山圓法師諡法慧○摩騰三藏諡智度圓通法師竺法蘭諡開教持持法師傳大士等

空紹覺大士李長者順教妙嚴長者○高宗天童覺禪師亡諡宏智塔曰妙光○徑山杲禪師亡諡普覺塔曰寶光語錄入藏○光宗慧光訥法師亡諡宗廣慈塔曰普照

褒恤終亡

宋文帝慧嚴法師亡詔賜錢五萬布五十疋

齊武帝僧遠法師亡帝致書慰弟子法獻

隋文帝曇延法師亡帝輟視朝勅王公往臨

唐太宗僧邕法師亡賜帛勅李百藥撰碑歐陽詢書○玄琬法師亡遺表僧有過乞以內律治之上嘉納遣皇太子臨予勅給葬具○高宗英法師亡帝哭之



勸廢朝五日。敕用金棺銀槨。五詔褒恤。○文宗清涼國師澄觀亡。上輟視朝三日。重臣縞素。敕葬終南山石室。敕宰相裴休撰碑。

宋真宗天息災三藏亡。敕有司具禮送終。○法賢三藏亡。敕送終如天息災禮。

臨終瑞相

宋仁宗天鉢元禪師別文彦博曰。入滅去焚龕。煙曰。彥博手執流離瓶。煙入瓶中。舍利填滿。○神宗明教嵩禪師亡。火浴。鼻舌眼睛耳豪數珠五物不壞。○歐陽脩居頽上。弄酒肴。臨終。偈華嚴經讀至八卷而化。○文與可謂崔公度曰。經言不妄語。舌覆面上。即吐

舌至肩三指之後。沐浴冠帶正坐而化。○趙抃從重元禪師問心要。聞辟歷聲。豁然大悟。是年有大星殞于庭。趺坐而化。○徽宗薙髮卒於毗陵。錢濟明問曰。公平生學佛如何。軾曰。此語亦不受。遂化。○高宗章太后建延祥觀。選圓法師于馬棚坡。陶器舍利無算。○孝宗參政錢端禮問道於元禪師。後微疾。謂機禪師曰。地水火風暫時湊泊。遂歛目而化。君臣嚮法。

周襄王秦繆公獲石像。集馬坊中。夢天帝責誠以問。由余往視像。曰。佛神也。

魏吳主孫皓得金像。灌以不潔。俄得腫疾。請康僧會



受戒疾愈

齊東昏侯取瓦官玉像爲潘貴妃作釵釧

高宗英法師譚因明論尚藥呂才作解毀之有旨  
公卿領才就法師禮悔○宣宗京城進士孫樵上  
書言武宗髮二十七萬僧陛下奈何興之於已廢之  
後帝怒不納

宋太祖河南進士李鵠造滅邪集以毀佛竊藏經以  
爲衾事聞敕流沙門島○徽宗敕左街道楷賜紫衣  
師號楷表辭上怒流淄州○筠州惠洪坐交張商英  
流崖州詔改佛法求道上書諫上怒流道州○高宗  
宰相秦檜以徑山宗杲爲張九成黨流衡州

唐排佛

唐憲宗迎鳳翔佛骨入禁中刑部侍郎韓愈上表諫  
曰佛本夷狄之人身死已久枯朽之骨尚機之餘豈  
宜以入宮禁中以此骨付之水火求絕根本帝大怒  
貶潮州刺史愈至潮聞大顛禪師名請入郡問道留  
旬日尚書孟簡聞愈與大顛遊以書嘉之愈答書稱  
大顛頗聰明識道理遠地無可與語故自山召至州  
郭留數十日實能外形骸不爲事物侵亂非崇信其  
法求福田利益也簡復報之曰釋氏之教大明善惡  
之異路覈天下神道報應之徵爲廣其道奈何韓君  
以愚人下俚翁嫗之情見待之邪云



柳宗元送浮圖浩初序退之好儒未能過揚子揚子之書於莊墨申韓皆有取焉浮圖者反不及莊墨申韓之怪僻險賊邪曰以其夷也果不信道而斥焉以夷則將友惡來盜跖而賤季札申余乎非所謂去名求實者矣云

韓退之作原道云舉夷狄之法而加之先王之教之上幾何其不齊而為夷也然則如之何其可也曰人其人火其書廬其居明先王之道以道之亦庶乎其可也

女挈壘文云愈為少秋官言佛夷鬼其法亂治可一掃去云

王荆公非韓云人有樂孟子之距楊墨而以介佛老為已功莊子所謂夏蟲者斯人之謂乎云

猶子瞻非韓云退之於聖人之道知好其名而不知其實其論至於理而不精往往自欺其說而不

知云

西蜀龍先生作非韓百篇云

明教嵩禪師作非韓三卜篇云

祖印訥禪師與歐陽公論退之排佛老

見通鑑卷一百一十二

宋仁宗諫議歐陽脩著本論謂佛法為中國患又曰今佛之法可謂蕪邪又曰千年佛老賊中國云脩左遷滁州將歸廬陵遊廬山謁祖印訥禪師與之論道



蕭然心服平時排佛爲之內銷祖師謂曰退之倡排  
佛老足下今又和之將使後世好名之士授韓氏歐  
陽氏以爲法豈不爲盛德之累足下所著本論孜孜  
以毀佛爲務以蒐狩喪祭鄉飲之禮爲勝佛之本是  
猶退之原道實未知道脩大驚報師復爲說悟心之  
旨自此頗有省發及以參大政每譽於公卿之前歲  
時書問未嘗絕出知揚州高麗遣使問魏武注孫三  
處要義闕注詔問脩不知答飭使者往問祖師師曰  
其者機密之事不可以示人使反命以其言應詔  
歐陽外傳云歐子撰新唐書如高僧玄奘神秀諸  
傳及正觀爲戰士建寺之文並與削去司馬君實

云宋以不喜佛舊唐史有涉其事者必去之因曰  
駕性命道德之空言者韓文也派治亂成敗之實  
效者新書也

孝宗御製原道論云朕觀韓愈原道論徒文繁而  
理迂耳云

化胡偽經

晉成帝道士王符偽撰老子化胡經言地獄受苦  
比孝昭道士姜斌引開天經說老子西入化胡以  
佛爲侍者沙門曇謨最言佛生昭王時後三百四十  
五年定王時老子始生太尉蕭綜劾奏開夫偽經罪  
當惑衆詔流斌馬邑



唐高宗詔議老子化胡經沙門法明曰既無翻譯朝代豈非偽造乃勅令搜求偽本一處禁棄○武后沙門慧澄乞依前朝毀化胡經勅八學士議○中宗勅毀化胡經及畫壁變相違者科罪

事魔邪黨

末尼火袂反火煙者初波斯國有蘇魯支行火袂教弟子來化中國唐正觀五年其徒穆護何祿詣闕進袂教勅京師建大秦寺武后延載元年波斯國拂多誕持一宗經偽教來朝○玄宗開元二十年勅末尼本是邪見妄稱佛教既為西胡師法其徒自行不類科罰○天寶四年敕兩京諸郡有波斯寺者並改名

大秦○大歷三年勅回紇及荆揚等州奉末尼各建大雲光明寺六年回紇請荆揚洪越等州置摩邪寺其徒白衣白冠○會昌三年勅天下末尼寺並廢京師女末尼七十二人皆死在同紇者流之諸道五年大秦穆護火袂等二千人並勅還俗○梁貞明六年陳州末尼反立母乙為天子朝廷發兵禽斬之其徒以不茹葷飲酒夜聚為擾盡魔王踞坐佛為洗足云佛止大乘我乃上上乘

白雲菜者徽宗大觀間西京寶應寺僧孔清覺居杭之白雲菴立四果十地造論數篇教於流俗亦曰十地菜覺海愚禪師辨之有司流恩州嘉泰二年白雲



菴沈智元自稱道民進狀乞額臣寮言道民者要菜  
事世所謂菴民者也既非僧道童行自植黨與千百  
為群挾持挾毀肆其愚俗或以備藉砌路斂率民財  
創立私菴為遁逃淵藪乞將智元長流遠地拔除菴  
宇以為傳習魔法之戒奏可

白蓮菜者高宗紹興初吳郡延祥院僧茅子元依微  
天台出圖獻四土圖晨朝禮懺文偈歌四句佛念五  
聲勤男女修淨業戒謹生為尤謹稱為白蓮道師有  
以事魔論于有司者流之江州其徒展轉相教至今  
為盛

良者曰此三者皆假名佛教以誑愚俗猶五行之

有沴氣也今摩尼尚溺於三山而白蓮白雲處處  
有習之者大氏不事葷酒故易於裕足不殺物命  
故近於為善愚民無知皆樂趨之故其黨不勸而  
自盛甚至第宅姬妾為魔女所誘入其衆中以修  
懺念佛為名而實通姦穢有識士夫宜加禁止  
毀法惡報

魏高貴鄉公蜀賓國王害師子尊者白乳涌高數尺  
王臂尋墮七日命終

晉安帝晏無識在京譯經後西歸涼王遣人刺於路  
王見神人以劍刺之遂卒

宋沙門慧琳著黑白論與佛理相違後感疾唐肉祭



爛竟死時以為叛教之報○簡靜寺尼用書經絹為兒衣身瘡白蟲號叫而死

梁武帝沙門智拔值寇還俗道士孟悉達勸為黃冠引佛教潤色諸道經暮年為道士講西昇經忽失音舌卷於座委頓而死○望蔡令殺牛飲啖卧佛堂上白癩病死

宋真宗慈照愍禪師郡守苕之師曰教他平地起骨堆守全死○神宗王安石子雱資性險惡既亡荷鐵枷告父安石請以江寧園廬為僧寺即半○徽宗宣和廢佛法揚戲議廢太平興國寺瘞佛像於殿基已而戲病胃腹潰裂而死○詔天下建神霄宮太平

州將折承天寺主議者石儀曹一子為金甲神納于火曰石某絕嗣

歷代會要志第四

刊板後記

咸淳元年乙丑寓東湖月波山始飭工刊統紀至六年庚午冬忽感喘嗽之疾家林法眷擗船見邀遂以



十二月二十一日歸于福泉之故廬是時尚有會要  
志四卷未能刊於是乘病寫本俾刊人畢其功秋七  
月錄事既備擬辦紙印造萬部爲最初流通嘗計之  
刊板所費將萬券而印造之本逾二十萬券非高明  
識鑑有大財力者則不能濟當願佛祖聖賢冥密  
勸化當朝居位王公大人知有法門共相激發或  
一出已力或轉化群賢特輯餘貳建立紙本俾統紀  
一書布散寰海是亦助國行化之大端也譬臥病  
日久恐一旦怛化此志不申故略述始終尚祈後賢  
之克繼勝業者維佛維祖宜當祐之以道咸淳  
辛未端午日志磐書終



金卷第十四合廿一



